

白水縣志卷之一

知縣梁善長修

地理志

惟王體國經野莫先於地地者所以承乎天而大其利於人也白水雖蕞爾區而陰陽和會以虛為用以實為體者均可訓而圖也剛柔燥溼高深險易皆可分而畫也成形成色因乎土宜關乎人事又無不可由常而知變也蓋地之氣脉不可分而地之條理不容紊知其不可紊則所以綱維乎地者政之權輿也志地理

白水縣志

卷之一地理

星野

一

星野

自晉界起**井**十二度東井一度至十度今山西分盡二十三度過**鬼**四

度至柳六度史記柳七周三河分凡三十二度至秦雍州漢班固蔡邕井十

度至柳三度唐李淳風起井十六度至柳八度周禮春秋清類天文分野書起井九度至柳三度說各略與春秋

傳秦彭衙地為今白水之境在府治極西差北古雍州之

域當**東井**十二度之既為**鶉首**分鶉赤鳳也或謂鶉首又稱朱雀在司方七

宿共六十四星東與鬼與鶉首相接天漢為井鬼所居附

井八星為鶉首司井鬼之星如鉞如積水如積薪如水位如水府如積尸

氣如燿又皆與井鬼同宮司事者也故古賦及之

東井八星或謂之橫列兩河之陰當地絡之西北為天

之南門北連黃道七曜常行其中至水衡法令平中之事

凡物莫平於水營國建邑治地分田皆取象焉王者用法

平則井星明而端列若暗小不端則國弱政亂屬宿井則

有風雨太白金星也在西北乾位乾金色白守井五穀不

成歲星木星也四周有四犯兩星之光相接井近臣為亂

兵起填星形如瓜兩側有入井大水傷人客星非恒有謂

無專屬高誘以勾星為凡五星明而犯井大臣誅戮彗星生鋒曰芒芒

白水縣志

卷之一地理

星野

二

長曰角角長而偏出曰彗彗形如犯井國大人死井上有

雲氣歲多水潦

鉞一星形曲色黑在東井西主治諸事若明大與井宿

齊或搖動或五星犯守則用鉞

南河一名陽門在鉞之南南門在鉞之北兩河

各兩星本釋史星圖云南門日月五星之常

道河即天漢金之散氣水之精華浮上者也其星如耶位

南門而散則星之散河以十月散星之散河至則梁河堤

水府四星色赤釋史天象圖在井東南亦主水衡事

輿鬼四星或曰五星兼中謂之天廟本博天廟天子之廟

祖考之象也居兩河之陽與鶉首相接當地絡之東南主

內外祠祀事四星形方似櫃東北星主積馬東南星主積

兵西南星主積布帛西北星主積金玉故一名天樞又主

疾病死喪故又名天墮明則五穀成不明則否動搖則賦

重徭繁有疾病水災人死月入犯之多疾疫雲氣入犯之

黑白為憂疾赤為旱黃為土功

鬼中色白似星非星似雲非雲者曰積尸氣又曰天尸尸

白水縣志 卷之一地理 星野 四

神象也主祠祀事或云一名質質與櫃續通華樞也主刑

罰誅斬不明天下安明則兵起大臣誅下人死搖動則疾

病雲氣入犯之白為貴臣有憂青為病

耀四星在鬼之西北主烽火色黑如常吉明大則邊庭有

患赤雲氣入犯亦如之

祥異

上古

黃帝時雨粟

丙申高祖三年大饑民多徙

丁卯文帝六年大旱蝗

元鼎二年三月大雨雪平地五尺元鼎漢武帝年號帝王建元自武帝始

五鳳四年大有

後漢

建武二年大饑

延光三年秋七月甘露降有木連理在古彭衙地載後漢書符瑞志

晉

太康元年秋七月木連理

白水縣志

卷之一地理

祥異

五

臨潼志載晉太康元年粟邑生連理木考臨潼之粟邑

唐改平陵縣建者晉武帝時猶未有粟邑晉書祥瑞志

云連理木生馮翊粟邑乃白水也

前趙光初間雷震劉曜父墓

北魏

四年春正月地震

隋

十四年秋八月大旱饑

唐

永淳元年夏五月旱蝗

天寶十五年旱

貞元元年大旱饑

二年大有

元

泰定二年夏四月雨雹

載五行志

天曆二年秋七月旱蝗大饑人相食

至順二年秋七月有蝗

載五行志

明

白水縣志

卷之一地理

祥異

六

洪武三年大有

宣德三年旱饑

正統二年饑

十年大疫

十二年冬無雪

成化六年夏四月旱饑

十年秋蝗食禾及草木俱盡民饑

二十年夏六月旱饑地震

二十一年大饑民徙

六年夏五月大旱疫

十七年興教寺後殿火

三十四年夏五月丁丑有星自西北流於東北大如盂色

赤有光是歲李自成與張獻忠同時生六月丙辰地震

三十七年夏四月十六日明倫堂上梁有五色雲氣盤繞

移時乃散 五月十七日雨雹不傷麥秦嶽廟碑記云初

風自秦嶽廟出聲如破釜有色間紫赤大盡地數十畝直衝雲而散

四十一年大有

四十四年秋八月蝗 九月蝗生子舊志蝗生蝻謂蝗子也而韻書無蝻字

白水縣志 卷之一地理 祥異 八

四十七年有秋

崇禎元年春三月二十五日天赤如血至巳時漸黃日始

出自夏四月至秋八月雨暘不時隕霜殺禾民饑此盜起之始

六年大饑

十年冬十二月地大震

十二年秋七月有蝗 八月大雨雹傷禾載二甲野錄

十三年大旱饑

十四年夏六月有蝗

本朝

四年蝗饑

康熙二十九年秋八月七日雨黑龍長守許藏地盈林其

狀甚惡秋大旱傷苗日僅然不見載知縣劉秀

三十年旱蝗民饑

三十一年大旱饑恩旨賑恤

三十四年夏四月丁酉地震

六十年旱饑

雍正十三年旱饑恩旨賑恤

乾隆三年夏四月大雨雹傷麥恩旨賑恤

白水縣志 卷之一地理 祥異 九

四年冬十一月丁卯地震有聲

十年秋八月辛亥大雨雹傷禾

十三年夏無麥 秋大旱饑恩旨賑恤 八月庚子北蓋

村民高從禮妻張氏一產三男奉旨賞給米市銀拾兩

十五年秋八月戊子雷電雨雹傷蕎麥

十六年大有

十七年夏六月旱 秋九月雨水傷禾恩旨賑恤

十九年夏麥大穫

襄王二十七年春二月甲子晉侯及秦師戰於彭衙秦師
敗績 冬晉先且居宋公子成陳轅選鄭公子歸生伐秦
取汪及彭衙

漢

建元元年秋七月鄧禹渡河破左輔兵於衙

晉

元康六年盧水胡反上命都尉張光戍馬蘭山即縣北秦山

建興三年冬十月劉曜進軍屯粟邑陷焉苻尋敗歸平陽

白水縣志

卷之一地理

兵寇

十

後復據粟邑

北魏

孝昌初賊將息阿非圍白水

天統十年冬大閱於白水

十一年冬大閱於白水

天統六年夏茹茹渡河上召諸軍屯沙苑備變至是兩年皆在白水

朝家軍馬○夏西戎國名茹茹即蠕蠕○大閱演武之習閱年貌也按冊查閱年貌訓練士卒也

同吐蕃西羌之屬居析支水西北大犯任敷以兵五千掠白水

明

正德七年冬十一月洛川妖賊邵進祿率衆由黃龍山據

嘉靖三十二年秋八月北虜犯鄜州漸逼白水潼關兵備

道張翰移兵守暗門虜偵知引去

崇禎二年洛河北民王二種光道聚眾為盜參政劉應遇

擊散之王二被斬崇禎元年陝西大饑府谷賊王嘉允宜

川賊王左掛等一時僉起攻城堡殺官

吏河北民王二種光道亦聚眾數百人為盜官軍進勦以

不諳地勢敗二年春詔以楊為三邊總督捕之參政

劉應遇擊斬王二參議洪承疇擊破王

左掛賊乃稍懼遁散詳王志及明史

十一年官軍大破李賊於潼關自成引殘騎遁匿商雒尋

來奔白水

白水縣志

卷之一地理

兵寇

十二

十二年李賊潛入城陷知縣王無逸死之

十六年冬李賊潛入城再陷知縣朱迴澆訓導魏歲典史

劉進俱被難

本朝

順治元年冬十二月李賊自同州過白水北趨延安賊敗

復奔白水所至劫掠

二年李賊又潛入城陷知縣張原紅日經死

李賊復破城毀廟學衛事趙瀚被執

李賊不屈遂被殺

康德十七年大將軍圖海兵下平涼檄典史趙煥文招撫
流散至棧口遇賊死

六十年遠近饑民盤聚源和山中為亂二月官兵圍殺之

山水

五龍山在縣東南四十里謂之五龍者五山相連蜿蜒如
龍也鄉民單名龍山又曰南岡隨其起伏之勢結廬而居

每夕陽倒射岩光掩映雲樹交輝宛然一畫圖焉邑人并

斗有龍山夕照詩見藝文志○此山接蒲城界故府志兩

者為堯山西南四十里側峙者為明王山由南轉東為縣

之巽峰者金粟山此三山皆屬蒲城舊志兼載今削之

白水縣志

卷之一地理

山水 三

洛河坡在縣東北三十五里河北四里民往來通衢陡峻

險隘十八折而始至頂俗名曰十八盤

黃龍山在縣東北六十里盤衍如龍土皆黃色故名魏書

地形志姚谷縣有黃崖山舊志姚谷故城在今縣東北近

黃龍山則黃龍山即黃崖山也舊志黃龍山東二里有陽

武山倉聖發靈之區按河

圖玉版云倉聖南

以又作嘘於音之

里在維南縣洛水之北陽武山蓋因陽紆山而

訛傳耳今縣北境有陽武村無陽武山削不載

源川山在縣西二十里高百丈許與明王山遙對旁有數

小丘山朝護白水繞其後左右皆有溝澗狀如沼上藎

絕頂有四五神祠

秦山在縣西北六十里本名馬蘭

蘭一作蓮蘭連古音通

山北條山

之一枝也舊志小秦王至此軍不得過王下馬禱之山自

崩解云山之上有暗門

路通中下部宜君

下有首藿溝

乾隆二年白水宜君兩邑

民互爭山地面於此分界

四面峰迴巒接最幽僻高寒者

香爐峰也雖久晴雪凝不化日華東射朗如晝立訓導黎

世和有秦山霽雪詩

見藝文志

方山與秦山相連其形方峻四面多石下有馬跑泉

大神山自北條來俗稱高山又稱神嶺在縣西北七十里

白水縣志

卷之一地理

山水

三

其形陡峭每日日出時山川和氣結而為雲瑞彩祥光變幻

無端若有神焉訓導何學有神嶺朝雲詩

見藝文志

縣西北有山原二一曰**北山原**離縣五里其南曰**南山原**

離縣三里兩原相直秦山之脉至此隆起邈邈王志所謂

從亥轉艮下臂逆漆水結縣者

洛水

魚豢典略漢火行忌水洛字去水加作明熹宗名常洛天啟初諱洛為維今志多作維

自縣北

宜君縣界來抵黃龍山麓逕秦山暗門東流逕南紀岡過

川家阿門等村循五龍山陰轉南入蒲城界其源發於環

山崩於山舊至華陰蒲蘆灘入渭明成化中朝邑岸崩而

入於河不復入渭

此漢書所謂西洛水也威烈王十八年秦斬雒即此前

漢書溝洫志言臨晉民穿渠自徵今洛城引維水至商顏

顏師古注商顏商山之頽也劉奉世謂常水有入渭法

高山甚遠何山穿渠至其下按府志同州之北有高原

所謂商顏下溉田白水之洛一姓皆陵阜夾束驟長驟

消消則僅一二尺長則條至數丈漫崖沒岸奔騰洶湧

舟楫不敢渡然不越日而流又消矣灑洛而居者欲引

灌田畝無所施其智焉

白水以水色白而名自縣西北同官縣界來逕蒲城下莊

白水縣志

卷之一地理

山水

村流十里而至縣境以水中多小白石故曰白石河杜甫沙苑

行云左輔白沙如白水注白水縣東南谷多白土西流受龍門溝水又受虎頭溝

水至南臨川折而東之逕阿門村東入洛白水自白石河至阿門村凡七

十餘里鄉民各以傍水村居為名

舊志謂白石河縣南入漆漆從同官東曲回趨南折至

臨川距縣五里東南入洛按今縣西北境原有白河一

河自同官來府志云白水同官烏泥川之下流非別有新謂漆水

水出同官北高山以其清碧如漆而名東南流與同官

川水合又東會沮水入耀州東南入渭韓汝海朝邑志渭水至朝邑東

南三十里 此卽禹貢所謂漆沮既從之漆在豐涇之下

入渭誤 麟遊武功永壽諸縣之漆在 不至縣境并豐彭衙雜錄

云白水非漆水澧白水人見聞必確惜未詳辨故仍畱

疑團耳而水經注何以云沮水東逕粟邑注於洛水寰

宇記何以亦云洛水東南沮水入焉蓋前人未審漆沮

二水源流分合既誤以白水爲漆水又誤以漆水爲沮

水故也至洛與漆沮迥然不同洛源出延安子午谷漆

沮在耀之頻陽官今同不知顏師古何據而謂洛卽漆沮

也善長詢之同官人云北高山漆水其流甚短惟沮水

白水縣志

卷之一 地理

山水 圭

流至耀州逕富平臨潼入渭然則禹貢之所謂漆沮正

在耀州同官卽富平臨潼諸川水亦不得以漆名矣大

抵關中之水冒名漆沮者多白水亦其一也

姚谷水

郡國縣道記作柳 谷水姚柳音訛

一名彭衙水鄉民曰孔走河以

其孔走鎮而名在縣東北黃龍山左自澄城梁家山南過

縣境流三十里至齊家渡入洛

鐵牛河秦山南五泉之水也在縣北三十里逕武子渠村

東流三十五里入洛

武子渠在縣北四十里舊引鐵牛河水灌田今堙廢

東陽溝水在縣東五里南逕乾耳村注於白水

鳳凰溝水在縣東十里府志二里誤南流入洛

虎頭溝水在縣西一里許南注於白水

龍門溝水在縣西二里許南注於白水

雷衝溝在縣東北二十五里水從石炭滲出澄瑩徹底

清水溝在縣東北三十五里兩岸皆巖間叠嶂氣蒸為霧

冬夏不竭流三里許入洛

疆域 治南堯山一帶及罕井村等處前明割入蒲城未詳其年

白水幅員計三百一十餘里廣八十里袤延八十里東至

白水縣志 卷之一地理 疆域 共

洛河澄城縣界四十里西至白石河蒲城縣界四十里南

至臨川舖蒲城縣界十里北至洛川縣界七十里東南至

故現村蒲城縣界三十五里西南至西河下蒲城縣界五

里東北至孔走鎮澄城縣界六十里西北至宜君縣界七

十里

東至澄城縣治九十里南至蒲城縣治五十里西南至

平縣治百四十里北至洛川縣治二百一十里西北至

君縣治百六十里東南至府治由五龍山百二十里西

城百三十里至青二百九十里至

北京出河南二千五百七十里山山西二千二百里

形勝

北至秦峰南賓堯嶽謂蒲城堯山西環白水東繞洛川虎踞右

溪謂虎頭溝鳳飛左淵謂鳳凰溝鐵牛鎮壓於後謂鐵牛河龍門鎖鑰於

前謂龍門溝邊幅偏殺氣脉攸全古雍秦之善地也

封采封謂封邑采謂采地古封國邑以戶所封之戶以租庸調給

陽武路史國名紀云古國有陽武考倉聖廟碑記倉頡為

黃帝時諸侯今陽武村地疑即倉頡所封

彭戲路史國名紀云周世侯伯之國後滅於戎為戎國號

白水縣志 卷之一地理 疆域 七

史記秦武公元年伐彭戲氏至於華山

彭衙在縣東北六十里春秋晉侯及秦師戰處即今彭衙

里路史云衙嬴姓國穆公子采

利鄉侯嬰漢宗室城陽恭王祉子武帝建元四年三月乙

丑封見後漢書利鄉即今史官村

粟邑侯耿夔扶風茂陵人弟國子相伯永元三年竇憲

出河西命為左校尉將精騎八百追擊單于

庭獲其珍寶財畜乃封薏苡邑侯漢書

白水郡公侯莫陳悅代郡人隨介朱介朱天光下隴

進爵柏人縣公尋改封白水郡食邑二千五百戶永熙三年

討靈州悅誘岳斬之宇文黑闥遂總岳部入隴征悅悅自縊死見魏書

白水縣伯梁禦武川人與秦朱天光共平關右封白水縣

伯邑三百戶見周書

白水郡公王樹未詳何許人開皇時封白水郡公見隋書

白水郡公楊武通華陰人討西南夷有功封白水郡公見隋書

書後歷岷蘭二州總管見華陰縣志

白水縣伯尙可孤東部鮮卑宇文之別種上元中自賊所

歸封白水縣伯後以收長安封進爵馮翊郡王見唐書本傳

白水縣志 卷之一 地理 疆域 六

風俗

縣民性剛而好鬪輒起爭訟然尙懼罪畏法無狼戾險深之習士兼耕讀敦尙儉樸無孔道滑麗氣農力稼穡不事商賈最貧者爲人下井窆煤終年處深科中唐突而目漆

黑難辨

歲元旦清明七月望日十月朔日長至日與凡神誕令節

士庶家皆設酒果麪食謁神祀祖上墳拜墓其貼門插戶

紙札焚掛等類隨時異名大略與鄰邑同吉凶慶弔疾病

祈禱鄉民每屆數年率衆同往武當山進香歸則醮全勸石婦女當春節赴西安城隍廟炷香男女同行